



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 41. Papæ diploma de electionibus.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Papæ diploma de electionibus.

Interim Papa, ut longæ Ecclesiarum vacationis effectus molestos tolleret, ^{c. Cupientes.} ^{16. de elect.} constitutionem fecit in hanc sententiam. ^{in sexto.}
 Omnes electi ad Ecclesiam, cujus suffragiorum confirmatio a Sede apostolica proxime pendet, intra mensis spatium post cognitam sui electionem in viam se dabunt Romam versus, elapsoque tempore pro distantia locorum ad iter suum necessario intra dies viginti cum omnibus actis suum ad jus pertinentibus ipsi coram nobis comparebunt: alioquin omni jure, quod eis electio dederit, exutos declarabimus. Et quo melius edoceamur de suffragiis, collegium sumptibus sedis vacuæ intra idem temporis spatium duos ex electoribus mittet: alioquin excludetur a persecutione causæ, & a beneficiorum suorum fructibus per triennium abstinere jubebitur. Hæc sunt, quæ mihi præcipua videntur in hac sanctione data 13 Decembris an. 1279. Longa & obscura est ob multitudinem exceptionum, conditionumque restrictarum, quibus scatet pro stylo seculi omnes casus singulares prævidere, cunctasque lites prævenire cupientis: id quod dabat occasionem formandi novas. ^{Con. v. 2. Gloss.}

Sæcul XIII. tra efficax modus contrahendi vacatio-
 A.C. 1279. nem Ecclesiarum cathedralium aliarum-
 ve erat revenire ad jus antiquum, quo
 electiones in quavis provincia discuti &
 judicari solebant inconsulto Papa.

§. XLII.

Renulphus Episcopus Parisiensis.

Eodem tempore Episcopatus Parisinus
 vacabat per decessum Stephani Tem-
 perii mortui die dominico post festum SS.
 Lupi ac Ægidii, nempe 3^{io} Sept. 1279.
 Collegium in illius locum elegit Odonem
 Dionysiopolitanum Doctorem eruditissi-
 mum, sed grandem natu. Quidam Ca-
 nonici electionem impugnabant: fiebant
 appellationes ad Sedem apostolicam: &
 Odo Romam ibat, ut eas dirimi cura-
 ret. Papa, expensa re gravem electi æ-
 tatem videns, quæ inter alia ex tremu-
 lis ejus manibus apparebat, infirmavit
 electionem: sed antequam hoc divulga-
 retur, Odo jure suo cessit. Tum Papa
 & Cardinales electionem novam Colle-
 gio Parisiensi haud relinquendam duce-
 bant, ne diu nimium vacaret Ecclesia
 tam spectabilis. Idcirco Papa collatio-
 nem ejus sibi reservavit, eique præfecit
 Joannem Allevium notiores sub Joann-
 nis Aurelianensis nomine, Parisiensis Ec-
 clesie

Dubois
 p. 402.